



KENYATAAN MEDIA

**MENTERI SUMBER ASLI DAN ALAM SEKITAR
YB DATO SRI DR HAJI WAN JUNAIDI BIN TUANKU JAAFAR**

KES MATI LEMAS DALAM LOMBONG BAUKSIT DI KUANTAN 5 FEBRUARI 2017

Berhubung kes kematian kanak-kanak di kolam bekas lombong bauksit di Taman Sungai Karang Jaya, Kuantan baru-baru ini saya telah mengarahkan Ketua Pengarah Jabatan Mineral dan Geosains untuk menyasat kewujudan bekas lombong–lombong sedemikian di Kuantan agar tindakan seterusnya dapat diambil dengan segera.

Saya dan Kementerian Sumber Asli dan Alam Sekitar (NRE) memandang serius mengenai kes kematian tiga kanak-kanak tersebut. Saya berharap agar semua pihak yang bertanggungjawab termasuk pihak pemaju lombong mengambil tindakan sewajarnya dengan segera seperti yang dititahkan oleh Pemangku Raja Pahang, Tengku Abdullah Sultan Ahmad Shah.

Kesemua bekas lombong bauksit di Pahang perlu ditimbus dan pagar serta papan tanda perlu dipasang oleh pengusaha-pengusaha lombong. Saya berharap pengusaha-pengusaha lombong akan melaksanakan keperluan ini dan kementerian akan mencari satu pendekatan bagi mewajibkan semua pengusaha lombong untuk melaksanakan keperluan ini kelak.

Saya juga ingin mengingatkan agar semua lapisan masyarakat memberi perhatian serius mengenai isu ini khususnya ibu bapa dalam memastikan keselamatan anak-anak mereka. Saya juga ingin mengucapkan takziah kepada semua keluarga mangsa dan berharap insiden sebegini tidak berulang lagi.

YB DATO SRI DR. HAJI WAN JUNAIDI BIN TUANKU JAAFAR
MENTERI SUMBER ASLI DAN ALAM SEKITAR